




重修慈谿縣誌叙



三代而上列國各有史而志卽
爲史史卽爲政三代而下列國
有志而無史則史爲史志爲志
而爲政者又自爲政周官以太
史內史掌六典八枋而小史掌

邦國之志外史掌四方之志則
郡邑之志皆史也郡邑之志皆
政也慈邑故古句章地自唐相
次律房公開基以迄于今文獻
冠冕寓內余乏慈令爲政于慈
索志閱之知慈故有志嘗修于

諫議半齋周公幾歷百載中權
兵燹之燬民間僅留殘闕一二
且沿革廢置犁然非疇昔比噫
爲政者欲攷政問俗奈此若存
若亾之志何所印證哉余爲此
懇嘆焉在懷適疆場未靖羽檄

紛馳且文廟災橋梁圯匍匐拮
拮擬貞百度數年來稍獲就緒
政頗與慈習矣非新志乘無以
稽政非藉史筆無以成志因偕
博士弟子請于太史益城姚公
公曰志綦重慈志綦急今縣大

夫政有餘暇帑無餘金欲躬自
非薄隨處節縮爲棗人謀我慈
邑邀有大幸敢以草野辭遂獲
許可集諸薦紳衆父老蒐軼徵
獻剪稗潤藻三年而志成讀之
灑灑昭哉乎制也志輿地則繡

爲錯者不狹乎四履也志沿革
則千古異同如指諸掌也志疆
域則鸕鷀鍾乳若是乎井井也
志風俗則冬曳大布夏被絺葛
用齋而習淳也志城隍則繕牌
濬壕不獨固圉而雞犬桑麻

乎盛也志儒學則堂廡祠閣以
莫不興而巍煥重新也志武備
則率伍器械用戒不虞而練習
有地也志山川之流峙奠位不
改而水利則䟽濬闡闡則安堵
也志土產之珍錯臚列猶故而

貢賦則有額戶口則如數也志
廟社之祀典捍禦依然而寺觀
則覈廢興古蹟則備參攷也志
名宦而知前徽不遠志鄉賢而
知先達可師志科甲選舉而知
文章莫大于是志道德勛烈而

知人品各完其局志節孝隱逸
而知正氣孤標動高山景行之
想志僂釋伎藝而知九流百家
彙竝生各擅之途昭哉乎制也
章格典則聲貌明融發至言于
短引寄長嘯于微辭妙損益于

諸家杼蒸思于獨匠括始終之
數陳得失之林綦取舍之公搜
載籍之博大無夸毘小無漏網
喜無溢美慨無磯聲質而文詳
而贍核而有體以此考政而政
之脩舉可按而知也以之備史

而史之實錄可采而擇也余藉
手太史公得以稽古爲政信往
詔來復數百年斷簡殘編一旦
頓成新帙爲一邑之良史
昭代之鴻書是借太史以重志
借志以重慈借慈亦以重令度

免為俗吏也夫則是役也予何
敢尸焉聊以志歲月

峇

天啓甲子中秋吉日

賜進士出身文林郎知慈谿縣

事雲間李逢申題于浮碧山

慈谿縣誌目錄

一卷

輿地

沿革

分野

疆域

風俗

城垣

縣治

二卷

儒學

山嶺

河防

附碑閣等項

三卷

閭里

附坊市亭巷

土產

貢賦

四卷

戶口 祀典 寺觀

五卷

古蹟 附墳墓

名宦

六卷

選舉 附承冠盛事

七卷

人物 理學 經濟

八卷

人物 忠讜 清操

九卷

人物 醇德 文苑 雋異

十卷

人物 隱逸 孝友 列女

十一卷

人物 義俠 死節 特行 藝術
流寓 儒釋 紀異 遺事

十二卷

慈谿舊景

十三卷

宸翰

十四卷

藝文

十五卷

藝文

十六卷

題詠

凡例

一凡公署建置如舊不可考率以新建者為準

一貢賦在宋元間者世代已更款目非舊俱刊之不復列於

國朝之前

一名宦傳新編者始於正德八年止於

神廟之壬辰年居此後者聽續纂之日平章

一人物考止於

祠廟乙未年係事久論定者此後亦當續錄

一正德入年已前人物有舊誌未收而人多追

論其賢者間有補入倘今日之踈漏不妨後

日之補遺

慈谿縣誌第一卷

大常寺少卿邑人姚宗文纂脩

知慈谿縣事雲間李逢申訂正

邑庠秦舜昌

向 袞

馮元仲

姚 璜同脩

輿地圖

自漢置司空郡國地圖以明封域後之誌寫

幅者率繪圖象形列之簡弁使車轍馬足未
賦遠遊匡坐披繡硯席千里如耳目所慣精
神寄焉者或馳神於故國夢想爲勞或回首
於并州夙昔在念便於墨楮認新豐也邑自
成山東徒河山錯繡而城郭未完境治之觀
未備自

世廟歲丙辰島夷陸梁後網修戶牖保障維新百
雉與四塞之雄兩相聯帶爰立治境二圖語
曰布指知寸布手知尺舒腕知尋此不遠之
則也今規局形槩指掌於前察其向背剛柔
之性可調揆厥險夷常變之畧斯定此在哲
人之慧觀矣

縣境圖




五十里為界



卷一

三

縣治圖



東

東接寧

東水門

北門

縣學

浮碧山

東門

南門

北

浮碧山

察院司

城隍廟

射圃

張孝子廟


養濟院

永明寺

西門

教場

正官亭



西

如...

鳴鶴場

縣負山而治山起於艮爲天柱峯高插天表層層
連亘翔舞而南至乾隅再聳爲石刺峯斗絕直下
爲支麓從中蜿蜒如游龍者里許昂首左盼爲浮
磬
馬治之左爲上午舉東嶺出其腋又
左
馬舉山清道山抵夾田江伏脉亂流
爲管山前抱於巽隅治之右爲黃庫舉爲大樸山
西嶺跨其肩又南爲大寶峯而蓬山振於申位大
抵左山秀衍而羸右山雄壯而峙環治九嶺皆騰
驤拱向卽堪輿家所稱九龍戲珠之勢故又爲勝

治爲珠山新城雉堞循山而起街衢縮三衡六方
如棊局畫象坤爻闐闐整整西南其戶其前則內
外二江潮汐吞吐支流緒派包絡市廛登邑而望
江南諸山懸青獻碧若玉屏外障而雙頂山之巧
秀赭山之豐隆又爲西南之旁輔其後則滄溟迥
浸龍頭龍尾耦峙於二隅浪港穴泥諸山胥爲聯
屬燁若相望兵衛有嚴平曠可屯隘翳可伏雖非
百二之險而扞禦海夷亦坐聽其勝者也他若鳳
山西翔獅峯東踞丈亭總三江之衝抱子遠籠蛇

慈谿縣志
之狀皆足以壯邑都之觀而日月之湖並麗於鳴
鶴佛蹟之異三見於大蓬是亦一方之奇而方輿
之所爲志也

沿革

邑自句餘徙治房相肇基幾千祀而山川奠
麗民物豐美蔚爲望邑自作始之善也邑在
漢唐宋間其定爲上縣胡元僭統芸耨疆域
更爲下縣考爾時邑士君子耻屈體胡廷雷
辰而龍旋稀能取顯位者其文人逸士抗志
彌堅寧歸骨於松丘不願買名於朝市且寄
之哦詠徃徃多黍離麥秀之歌焉不屑低眉
就之胡人亦解此意夷爲下邑職是故耶

大明開天更如宋制此足以徵變夷之略矣

縣自秦漢以來地屬句章隋開皇九年併餘姚鄞
鄞三縣置句章唐武德四年拆句章置餘姚州鄞
州八年廢鄞州爲鄞縣則句章實鄞封內也開元
二十六年拆鄞縣置慈溪漢董黯孝其母母嗜句
章縣南溪水乃築室其傍汲水爲養遂以慈名溪
因以名縣其治去古句章城東北一十五里隸明
州真元中爲上縣置二十一鄉宋併爲五鄉分三
十都亦爲上縣元定爲下縣至正十七年方國擾
寇海瀕入據鄞城轄慈谿越十年歸附國朝洪武
十九年分鄉爲五別區爲十三領都三十因宋之
舊也郡名爲州爲路更置不一而邑名前後因之
永樂十六年令有失印者請於

朝詔更鑄恐失印覆出致滋奸利故更印文從谷

而名慈谿

其失印之故或云失于水或云盜今不可考

分野

昔陸子淵嘗言分野之說難通謂以天之一度當地之二千九百餘里則蓋載之形歆至如閩粵交廣均名揚州實半中國而止屬斗牛二星又何地廣而天狹也然禪竈之知楚梓慎之知宋業有前徵豈推測之用存乎其入耶度方順紀仍存保章氏之舊

周禮保章氏以土星辯九州之分野以觀吉凶吳越分爲星紀春秋元命包曰牽牛流爲揚州分

不及四十年越其有吳乎越得歲而吳伐之必受其凶是越與吳又自有異分也前漢地理志謂吳斗分野越地牽牛婺女之分野後漢志曰自斗十一度至婺女七度星紀之次於晨爲丑吳越分野又曰自斗六度至須女四度謂之星紀之次越之分野永嘉中歲星熒惑太白聚牛女之間識者以爲吳越之分其後孫策孫權實有江左晉天文誌曰自南斗十二度至須女七度爲星紀之次於晨

爲丑吳越分屬揚州又曰會稽入牛一度太元時
符堅將入寇石越對曰今歲星在吳分天道不順
已而堅果敗去陳王將入有星孛于牽牛按前後
諸說吳越星次度數互有不同惟吳虞翻有云會
稽上應牽牛之宿下當少陽之位爲得之此邑實
當會稽之東部其地牽牛之宿歟

疆

考之王制曰廣谷大川異制而後民生其間
異俗異齊異和異宜如水有隄衣循幅焉邑
南界鄞西接姚江東連蛟海其地若區分掌
中其水衣帶耳乃性習旣殊風氣不一卽語
言聲氣間可耳而辨之則疆域之限也故志
疆域如日明四履以防虞蒞之爭小視之矣

百境

東南相距一百里

延袤百有九里

南北相距九十里

東至定海六十里以梅林涇鷓鴣浦爲界縣

南至鄞縣界三十里以鍾乳山潘嶼嶺爲界

西至餘姚縣八十里以桐下湖從浦大江爲界

北至海鹽縣六十里以海中萊嶼黃牛山爲界

東南至鄞縣界十五里以西渡江心爲界

西南至餘姚縣一百里以楊梅村石門山爲界

東北至定海縣六十里以雁門嶺爲界

西北至餘姚縣八十里以上林嶼爲界

風俗

賈長沙論治安至耰鋤箕箒屑屑具陳因傷
人紀之不植不脩爲之長太息正以一鄉之
俗天下之積也古今不相及無不始於敦龐
漸趨澆薄慈邑在嘉隆間策名王途者宦成
率樸襍歸里耻有富名里中饒給之家多節
俠好施拊贍貧乏清門之士率檢押自尊鬚
眉自重有省煩之仲叔稀因熱之孺子問左
小民男子耕女織輸租縣官耳或老歿不至

訟庭榮辱明而禮節脩誠如陸士龍所稱風
會之下寢尋彰易古道之遺鮮有存者重富
貴而羞貧賤中於膏盲漸入漸深曠爲三變
牧田華棟士庶並營有無地起樓臺者从人
竊竊笑之曰何自苦如此挾高貨者价甚持
衡挾纊揣其輕重鼻息以權出入一毛半菽
視爲鉅萬此一變也鮮衣美食豪飲高會不
必鍾鳴鼎食者或家無半緡不具兼晨養跡
其衣裳楚楚居然裘馬五陵羣屐少年岸

曳履短衫廣袖輕馬希踪放伯民間
狡鋒俠者噪諍滿闕狼用自恣相羽翼以
獵其里幾有椎埋之風此一變也諠衰讓薄
嫌怨易起非必夙昔入釁東西隣暮夜踣
而語幾微動色弭筆者挑之且日投牒公府
身辱夏楚名列爰書倏然無愧色且日旣經
爐火後當便爲利刃矣此一變也夫堤之
潰蟻穴也石之穿山濇也積漸使然伊于胡
底故梗槩論之以待醫國者隨症審方然

紀風俗胡仍其舊耶曰存其舊見今非古也
一變至道吾有厚望焉耳

慈谿舊稱三孝鄉蓋以漢董黯唐張無擇家孫之
翰三孝子而名也至今有遺風焉迨宋又有楊適
杜醇楊簡黃震諸儒繼出而俗尚文儒遂為江南
文獻之邑昔王安石謂慈谿小邑無奇產淫貨以
來四方遊販之民田粟之美有以自足無水旱之
憂也無遊販之民故其俗一而不雜有以自足故
其人畏刑而易治然今非昔若矣

四時之序首重元日貴賤少長皆晨起新由
時宗黨姻婭往來稱賀盡七日乃止各庇春
盤以為歡叙即鄉更之四體勤勤者此日亦
復爾爾晨而相過薄暮父老倚杖子弟行歌
而還春風入鬢朱顏半酡庶幾太平景色元
宵燈會時廢時舉作神廟張燈歲以為例然
會盛則市魁之狙與衣冠無賴者虎酣豕突
縱橫于遺簪墜履間最為惡俗寒食剪荆丘
隴春林米糝以松花為饘而祭端午懸菖陽
艾虎如楚俗然無龍舟逐水之戲重九節家
戶作糕相餉邑雖無戲馬臺樂游園然北面
湖山儘堪寄賞而稀有佩萸飲菊歌詠其間
者長至亦間相稱賀惟士紳行之民間以歲
序搖落宵晝經營如幽人之詩不暇雍容如
元日也○四禮之用冠禮不行已久喪示
俗远古其資力稍裕者或失寧儉寧戚之意
婚嫁一事布衣操作僅見之尋常百姓家耳

銅鏹舊家則惟力是視然生男喜生女悲多
溺而不舉則婚嫁之爲累也○四民之業土
度家皆從師置塾學就名成者馳驅王路
一經者簞笈以傳教四方農人多佃業輸
其耕耘自食者十之一二槌蘇于山并澳
海上者總歲所收足當南甌之半工無奇
淫巧大約土木陶冶民生所需女子機杼
年夏葛冬布耳不習錦繡組紉往海船通于
慈故鄉名鄧里今改泊于蛟川并郡之桃花
渡遂鮮巨商大賈塵市蠅營者亦列肆相望
然以視通都彼爲沃壤之秋此爲露田之粟
耳志舊景者云辰而列肆午而閉便蕭管歌
唱以相娛悅嗟此何明鼓吹使人緬然懷之

城垣

書曰帝遭天災厥黎不康乃築城造郭以

固國此城之始也春秋獨於曩瓦城郢志譏
焉於蔦艾之城沂嘉其不愆於尹鐸之增壘
曰委土可以爲師保也則於城何譏邑之城
實趙司空於不康之後疑土度地慮材鳩傭
以保障斯土夫逆旅宿耳戶鍵嚴垣宇蔽簷
屐無恙晨起東馬將去必揮手而謝主人矧
閭里國族千百世之安乎雉堞稱雄吾不能

忘於趙氏矣

明州環山帶海江流更包絡其間稱四塞之國自錢王東版圖歸宋方國珍奉版圖歸我

太祖高皇帝皆師旅不加故營衛亦薄初唯郡暨蛟川有城慈邑自成山東徙官民阻山而居百餘年無折柳之衛

世廟壬子歲島夷犯台海因勅沿海郡邑繕城備寇時方怡然燕窻難與慮始或譁曰無疾而呼單財消工何爲者事遂停緩丙辰四月倭奴自東

入謀... 門巷... 天怒... 之或登樓西望見夷旂如綵帶紛紛若... 山嶺而東... 皇告語聞已... 殺入市廛矣前後兩入積... 如山流血絳路縱... 火焚民舍幾成陽烈焰邑空焉

世宗震怒命兵部侍郎副都御史胡宗憲爲總督工部尙書趙文華特簡視師所在驅除二公俱弭... 於慈文華喟然曰令邑有外衛如女塘賊遂能... 而入耶城工一勞永逸當亟爲... 補牢計遂... 於丙辰冬經始丁巳秋竣役時司空被

帝簡捐帑金不問出入文華體大節踈又方戎馬倥惚不兢兢竹頭木屑城費約六萬餘金無訂籍郡邑亦無從操筭數以問馬後被議苛入者併指城功多虛冒其子姓不得據籍陳對遂籍其家輸於官世受安居者共惋惜之建祠于東山之麓志報也城基皆度用民田不領直於縣官且稅糧如故後禮部儒士陳文誼等伏闕陳便民五事請照地給直度新懇以償稅糧部覆行其二事而此獨不行邑令南海霍與以申俗撥補如議其年月久

不可考矣

城垣一座

周廻共一千六百四十三丈約計九里餘高一丈九尺城基二丈二尺收頂一丈六尺磚堞高六尺共高二丈五尺

城門六處

東曰瞻嶽西曰萃寶南曰拱壽北曰拱辰

城樓四處

水門東西凡三處

月城東西南凡三處

馬步六處

敵臺城內外共三十一座

巡警所五座

梁口共二千三百八十八箇

弔橋東西南凡三座

城內外各馬路一帶 闊狹不等

沿城外濠河一帶 約九里餘北門外半里近山無濠

觀海衛城 在三十都

東北巨海西峙虎山背負浪港山南五磊諸山

距邑西北六十里高二丈四尺址廣三丈延袤

四里關東南西北四門外設弔橋門各有

以丹城城之上有雉堞一千三百七十敵樓二

十八驚舖三十六外為濠九百十四丈城始於

洪武二十年信國公湯和以慈谿縣塗田建築

永樂十六年都指揮谷祥增崇之

龍山所城 隸觀海衛地屬定海縣

龍山背海面山左亘覆船山右為望野距邑東

北四十五里高二丈五尺址廣二丈延袤三里

開東西南北四門門各有樓設釣橋於東西南

三門之外羅以月城城之上列雉堞八百五十

六敵樓驚舖各二十外四周爲濠五百六十二丈始於

國朝洪武二十年信國公湯和以定海縣龍頭塲石塘圍之址建置永樂十六年谷祥增崇加子城於外每歲三月軍門撥營兵五百把總官一員統之住本城以脩春防六月中撤防歸營

縣志

自錢塘東渡郡邑如會稽郡嵊縣與慈皆曰山爲治乃形家者言以慈爲巖蓋湖山四合鍾爲靈竒烟火萬家平臨几席而治經四遷乃定終以山之麓爲是則又形家緩受之說焉試讀清清堂一賦鳴琴蒞之者幾了郡事於湖中而前賢爲政風流可想見矣

縣山自海上發脉蜿蜒東走凡五十里其盡處簇萬峰踰兩湖結爲小山員秀中奠因名浮龔又名

浮碧以其映帶重湖之勝也縣治建於山椒肇自唐開元二十六年宋雍熙元年令李昭文重建廳堂門廡廡宇周圍二百餘間淳化中建清濟堂於正廳之後元祐元年令崔熙重建正廳宣和二年令黃濤建縣門增置廊舍紹定元年建敕書樓五楹改築清濟堂爲清濟閣景定三年令金昌年易名清高閣尋復爲清濟堂元至元二十五年令馮昱重建正廳五楹軒如之並翼以懋舍皇慶二年達魯花赤兔烏馬兒於廳事之南建樓置更鼓

其上增其正廳高其前三楹扁曰思正旁爲耳脩建門廡土祠獄室延祐間改名正廳曰節愛國朝洪武四年主簿韓文建縣廳官宇四區於孫之東南總設一門以限出入六年令靳完壁增創外儀門建獄室於儀門之西北十四年令馬雄建戒石亭於甬道三十年主簿陳旭創架閣庫永樂五年令杜忠置板屋於鼓樓之左右張拱國朝節降榜文弘治十二年令崔嵩重建正廳而擴大之未迄工而去正德改元令倪璋繼完之又

創建吏舍於獄室之北徙建土地祠於儀門之東
北正德五年令魯大顯重建板榜廊房東西各十
間嘉靖三十五年島夷犯邑治盡燬改建山前平
地三十八年令南海霍與瑕復改建山椒萬曆十
三年令西蜀何偉稍移而前建於山之紀二十三
年令毘陵顧言復改建平地其結構管綜位置變
更不能盡紀紀其見在者於石

縣頭門鼓樓三間兩鳳翼左右廊房六間左之
南建旌善亭右之南建申明亭儀門三間左

廳一座右土地祠一座蕭曹祠一座再西爲羈
候所左右廊房八間爲糧里收納處右之南盡
爲大監縣正堂三間捲蓬一座左銀庫一間糞
政廳一間右軍器局一間架閣庫一間前左右
兩廊書吏屋二十間皂隸站房左右各二小間
公坐明亭一座後堂五間川堂一座左邊東側
門頭屋一間堂後於山之椒建亭三間右見山
亭正衙南墻外吏廨十二間
知縣衙居縣治之左頭門屋三間儀門屋三間

左土地祠一間正廳一間左爲問優齋三間右書房二間後堂一間左右正房四間側房四間後書堂一間軒一間左右房五間兩邊小屋共四間爲庖漏地

縣丞衙居縣之左頭門屋三間儀門一座正廳一間邊房四間前左右小屋共六間後堂一間邊房四間兩傍正房四間

主簿衙居縣治之右頭門屋一間儀門五間正廳一間左右小屋四間後堂及邊房共五間前

後小屋共四間

典史衙在丞衙之東頭門一間儀門屋三間正廳一間左右房二間前左右小屋四間後堂一間邊房二間左右小屋四間

稅課司 縣治東南一里宋慶曆間爲都稅務設提領大使副使主之真元間燬後脩建不一洪武初改今名今廢

河泊所 縣治西南一里洪武一十六年闕設今廢

醫學 洪武十九年立附于三皇廟已圯正德六年知縣曾大顯徙建城隍廟之翼隅今仍附于廟

惠民藥局 洪武二十五年設在平政橋南後徙附醫學之左

陰陽學 洪武十七年設興革不一亦徙建城隍廟與隅今仍之

僧會司 原在東皋寺今永明寺內

道會司 清道觀內

申明亭 凡冒刑憲足為世戒者書其實于版懸諸壁以申懲惡之義洪武六年設凡三十五

所坊郭二一在西鎮橋東一在都憲橋北正德四年令倪璋重建四鄉三十三所俱廢不存摠列于縣門之西

旌善亭 凡孝子順孫義夫節婦嘗旌表者書其事于板揭諸壁以申勸善之義洪武八年

設在申明亭之左亦三十五所今俱廢列于縣門之東

布政分司 縣東北一里慈湖之濱洪武二十三年主簿陳鼎建今移置于縣治之西

按察分司 在布政分司之西成化間知縣王義創建後徙亦居布政分司之西今廢即其址為射圃

公館 縣東北一里按察分司之東弘治四年知縣和鵬建今廢

造茶局 宋殿師范文虎貢茶元因之就開壽寺置局永樂初知縣余瑄建局在寺之西南今廢而貢茶之始開局於布政司

預備倉 凡四所東倉在四都貴勝堰之東凡三間儲穀四百六十石二斗五升南倉在十二

都後羊之北凡七間儲穀六百七十石一斗西倉在十六都羅仁市之西北凡三間儲穀七百七十九石一斗北倉在九都石魚山之北凡三間儲穀二百六十石一斗俱

正統五年知縣張謨重建今倉盡廢基有
存者萬曆十年間令何偉于城東西兩門
各建義倉一所後亦尋廢萬曆二十三
令顧言建于縣東華家巷之中○內官廳
一座○前倉屋五間○內鹽廩一間○後
倉屋五間○東西共二十間

松浦巡檢司

縣西北四十里洪武初建于松浦之
東二十七年信國公湯和遷于松浦之

西建置廨宇而城之計一百六十九丈永
樂十六年增置烽墩一座

向頭巡檢司

縣西北七十里舊日向頭寨至元間
改寨曰鎮守司洪武六年改今名二

十年信國公湯和遷于洋浦築城一百二
十丈三十年裁革三十五年復設永
五年增置烽墩一座正統十四年知
規廣其城為二百丈舊有官署今圯巡
儼居舍而居

鳴鶴場鹽課司

縣西北六十里洪武二十五年開
設隸兩浙都轉運鹽運司設鹽倉

貯鹽聽掣早晚守候消耗為患弘治年間
巡按彭題准改折倉廢無用上倉基在
鳴鶴場市心天啟二年令李逢申請納價
助造學宮中基在
久作民廨下基即建祠以祀彭公餘田給
鄉兵哨官作俸場共七團二管○灶丁二

千八百九十一丁一分五厘每丁草場二十
三畝○額引二萬一千六百三引除奉使
司撥商買補外有餘鹽奉憲票肩販額設
鍋盤一百五十三面○額徵折本二色課
銀二千二百二十八兩四錢二分六厘零
○額設工脚八名摠催二十五名

觀海衛指揮使司

縣西北廳事
土地祠衛廳

南經歷司

衛廳
鎮撫司
千戶所
儀門

中二所居東右海道司在內把總司在衛
 前後三所居西海道司門內
 上寧靜則無所用之如有軍器局衛廳北
 警亦要區也存不可不存
 八年指揮同旗燾廟廳事東北築旗樓衛
 知凌澄建旗燾廟神臺一座
 事倉廩衛廳東北天地演武場城西門外
 北倉廩玄黃儲四廩
 五百丈內置演牌十一
 武亭與將臺
 十二烽墩六座曰向頭曰瓜誓曰西龍頭
 設柴樓二總兵坊二坊一為胡守貞節坊
 瞭遠臺一
 為節嬪
 林氏

舖舍

夾田舖 縣東五里亭曰觀瀾
 西渡舖 縣東十五里亭曰問津
 桐橋舖 縣西五里亭曰龍隱
 倪橋舖 縣西十五里亭曰望雲又北至松浦三十里
 夾山舖 縣西二十五里亭曰翠環又北至觀海浦三十五里
 羅家舖 縣西三十五里亭曰翔鳳
 蔣家舖 縣西四十五里亭曰臨清
 太平舖 縣西五十五里亭曰深秀接餘姚桐下湖
 松浦舖 縣北四十五里

觀海舖 縣北八十里

官制

知縣員一 縣丞員一 主簿員一 典史員一

吏房司吏人二 典史人二 戶房司吏人二 典史人二

糧科司吏人二 典史人二 錢科司吏人二 典史人二 禮房司

吏人二 典史人二 兵房司吏人二 典史人二 刑房司

吏人二 典史人二 工房司吏人二 典史人二 承發房

典吏人二 架閣庫典史人二 舖長司吏人二

儒學教諭員一 訓導員二 司吏員一

松浦巡檢司巡檢員一 司吏人二

向頭巡檢司巡檢員一 司吏人二

陰陽學訓術人二

醫學訓科人二

僧會司僧會人二

道會司道會人二

車廐驛驛丞員一

鳴鶴場鹽課司大使員一 副使員一 裁革人二 攢典人二

慈谿縣志第一卷終

